

CHISTIONOS CUSSUMIDOS

Amos abbadu sos sentidos
cabulende a manu tenta
in su caminu
chi giughet a su chelu.

Una die in pasu
e una in cuntierra
sepultende pessos e bisos
cando bellos, cando feos.

A chentinaias de 'ortas
ti apo nadu:
"T'istimo, fintzas
a mi 'ettare terra in cara".
E tue donzi 'orta rispondias:
"Su matessi ti naro, chena duda".

E amos imbentadu
mizas de chistionos
pro trassare sas dies
semper cun amore.
E t'apo fattu pregontas
e mi as dadu sientzia
che cumpanza 'e fide
seberada in luna 'ona.

Est colende su tempus
e nois amos cussumidu
su chi amos imbentadu
e torramos a nou a murmutare
sos isciollorios murmutados.

Est a remuzare su mastigadu
ma, biad'a chie remuzat!

DISCORSI CONSUNTI

*Abbiamo innaffiato i sentimenti / tenendoci mano nella mano / nella strada che
porta sino al cielo.*

*Una giornata in pace / ed una coi contrasti / seppellendo pensieri e sogni /
quando belli quando brutti.*

*Centinaia di volte / ti ho detto: / "Ti amo, sino / a gettarmi terra sul viso". / E
tu ogni volta rispondevi: / "Anch'io ti amo, senza dubbio".*

*Ed abbiamo inventato / migliaia di discorsi / per truffare il tempo / sempre
amorevolmente. / E i'ho fatto richieste / e mi hai dato risposte / come
compagna fedele / scelta in buona luna.*

*Sta passando il tempo / e noi abbiamo consumato / ciò che abbiamo inventato
/ e torniamo a sussurrare / i passatempi sussurrati.*

E' come ruminare il masticato / però, beato chi rumina.